

**Protocol**

dalla radunonza d'informaziun e fundaziun en casa da scola a Surrein, ils 31 da schaner 2016

Ver 40 persunas sentaupan, dumengia, ils 31 da schaner 2016, ell'aula dalla casa da scola a Surrein. Igl ein quei dunnas ed umens ord ils differents vischinadis dalla vischnaunca da Sumvitg. Tuts ein suandai igl invit ad ina radunonza d'informaziun e fundaziun d'ina uniun che duei tgirar la ierta culturala dalla vischnaunca.

Allas uras fixadas beneventa igl iniziant Walter Deplazes ils presents e presenta il program dil di e giavischa in emperneivel decuors dalla tschentada culturala.

La part informala pren sia entschatta cun ina schelta da fotografias e films dalla vischnaunca da Sumvitg.

Suenter pren il coniniziant, Tarcisi Hendry, Sedrun, archivar dalla vischnaunca da Tujetsch, il plaid ed informescha davart la situaziun en Tujetsch e dat risposta alla damonda: *Co tgira la vischnaunca da Tujetsch siu relasch, sia ierta culturala?* Plinavon presenta el la situaziun appartenent ils archivs culturals el Grischun ed en spezial la situaziun en Surselva.

Walter Deplazes cuntinuescha cun presentar il manual d'acziun per l'Uniun Archiv cultural Sumvitg. Plinavon declara el medemamein las statutas per l'uniun nova.

In intermezzo dat peda da magunar igl udiu e guder cultura sumvitgèsa. En in film da rtr raquenta Gion Deplazes, Surrein, dalla passiun da Sumvitg e presenta ils loghens d'acziun en quei drama che semoveva atras vitg e cultira.

Ussa suonda la radunonza da fundaziun.

## Tractandas

1	<p><b>Beinvegni e constataziun dalla presenza Elecziun dil president e digl actuar dil di</b></p> <p>Walter Deplazes introducescha la radunonza da fundaziun cun far attents ils presents che l'invitaziun ei succedida el FUS e che 40 persunas ein oz cheu presentas per fundar l'Uniun archiv cultural Sumvitg.</p> <p>Cun applaus vegnan elegi Walter Deplazes sco president e Tarcisi Hendry sco actuar dil di.</p>
2	<p><b>Elecziun da dus dumbravuschs</b></p> <p>Sco dumbravuschs per la radunonza da fundaziun vegnan elegi:</p> <ul style="list-style-type: none"><li>- Ignazi Deplazes, Surrein</li><li>- Fabian Collenberg, Sumvitg</li></ul>
3	<p><b>Decisiun da fundar in'uniun cul num „Uniun Archiv cultural Sumvitg“ el senn d'art. 60 ss dil Cudisch civil svizzer</b></p> <p>Suenter la presentaziun dallas raschuns pertgei che l'Uniun Archiv cultural Sumvitg duei vegnir fundada, documenteschan ils presents unanimamein lur consentiment per ina Uniun Archiv cultural Sumvitg.</p>
4	<p><b>Presentaziun ed approbaziun dallas statutas</b></p> <p>Las Statutas ein vegnidadas repartidas als presents ensemen cul Manual d'acziun en fuorma da brochura.</p> <p>Las statutas vegnan presentadas entras il president dil di ed approbadas unanimamein e quei senza midadas.</p>
5	<p><b>Fixaziun dalla contribuziun annuala</b></p> <p>La contribuziun annuala per commembras e commembers vegn fixada sco suonda:</p> <p>Mintga commembra ni commember ei obligaus da pagar ina contribuziun annuala. Mintgin definescha sez sia contribuziun, gest tenor sias pusseivladads.</p> <p>Ils presents confirman quella proposta e quei unanimamein.</p>


<p>6</p>	<p><b>Eleczion dalla suprastanza: president, actuar, cassier, assessurs</b></p> <p>Per la suprastanza dall'uniun stattan a disposiziun:</p> <ul style="list-style-type: none"> <li>- president: Walter Deplazes</li> <li>- vicepresident/actuar: Tarcisi Hendry</li> <li>- cassier: Pieder Wieland</li> <li>- assessurs: gerau Robert Candinas (ex. officio) Leonard Cavegn e Werner Degonda</li> </ul> <p>Ei dat neginas autras propostas. Ils presentai vegnan elegi en lur uffecis unanimamein en globo.</p>
<p>7</p>	<p><b>Eleczion dils revisurs da quen</b></p> <p>Sco revisurs da quen vegnan proponi:</p> <ul style="list-style-type: none"> <li>- Giusep Bearth, Sumvitg</li> <li>- Marlis Cabalzar, Rabius</li> </ul> <p>Ei dat neginas autras propostas. Ils proponi vegnan elegi unanimamein en globo.</p>
<p>8</p>	<p><b>Approbazion dil manual d'acziun (program da lavur)</b></p> <p>Il manual d'acziun che fuorma era il program da lavur ei vegnius presentaus detagliadamein avon la radunonza da fundaziun e vegn ussa mo pli mess en discussiun. Da quella fa negin dils persents diever ton ch'il manual d'acziun vegn approbaus unanimamein.</p>
<p>9</p>	<p><b>Orientaziuns</b></p> <p>Walter Deplazes orientescha dallas activitadas sin palancau dalla Surselva per crear ulteriuras uniuns ni gremis purtaders d'archivs culturals.</p> <p>Tarcisi Hendry dat plaid sur d'in portal da medias che vegn tgirau dalla Biblioteca cantunala a Cuera. Quella rimna oravontut films e fotografias. Ella possibilitescha la digitalisaziun da films.</p> <p>Walter Deplazes reparta gliestas per dar la pusseivladad da s'enscriver e daventar commembra ni commember dalla Uniun Archiv cultural Sumvitg (UACS). Medemamein vegnan gliestas repartidas als presents per rimnar ulteriurs adherents dalla nova uniun en vischnaunca sco era ordeifer las scheinas dalla vischnaunca da Sumvitg.</p>

10	<p><b>Varia</b></p> <p>Il plaid pren signur Armin Candinas, president communal da Sumvitg. El demuossa grond plascher dalla nova uniun e sia funciun per la tgira dalla ierta culturala dalla vischnaunca da Sumvitg. El gratulescha als eligi e giavischa plascher, perseveronza e success. Ord vesta dalla suprastanza communal seigi la contribuziun da 50 000 frs. pigl endrizzament digl archiv en casa da scola a Surrein garantida.</p> <p>Walter Deplazes engrazia per la stedia partecipaziun e per la promptadad da sustener la giuvna uniun cun lavur e contribuziuns da tuttas uisas. Tuts ein beinvegni e tut tgi che vul entrar ell'uniun sa ussa far quei cun indicar sias persunalias ellas gliestas corrispudentas.</p> <p>Il president envida alla fin dalla radunonza da fundaziun tut ils presents ad in apero sponsuraus dil biro Deplazes.</p>
----	--

Surrein , ils 3 da fevrer 2016



igl actuar Tarcisi Hendry



il president Walter Deplazes